

Paite - Phatnalate - Praying WP Psalms

Phatnalate 68:1 Pathian thou henla, a melmate thehzakin om leh aw! Amah mudahte a mai ah taikak leh aw!

Phatnalate 5:9,10 Amaute' kama muanhuaina om lou a, a lungsung ua siatna om hi. A gawl uh hankhuk kamka hi a, a lei ua mi maitangphat uhi. 10 Pathian aw, amaute mawhtangsak in. Amau' thuhilhna mah ah puksak in. A tatekna uh tampite hangin amaute thehzak in. Amaute nang hon dou a, hel uh hiven.

Phatnalate 11:6 Tangtawn Toupa'n mi diktatlou tunga mei leh kaat zusak ding a, huih sa a tan uh hi ding hi.

Phatnalate 18:14 Ama'n thaltangte kaapkhia a, galte thehzak a, kek sawl a, amaute phiatmang hi.

Phatnalate 18:17 Ama'n a haat mahmah ka galte apan hon humbit a, kei adinga hat lua ka melmate apan hon hukhia hi.

Phatnalate 18:39 Nang kidou dinga thahatna-a hon thuam chin a, kei langte ka khe nuaia kuunsak na hi.

Phatnalate 18:45 Amaute khempeuh lungkia uh a, a kulhpite uapan liing kawmkawma hong paikhia uhi.

Phatnalate 27:11 Tangtawn Toupa aw, kei hon en gegute hangin na lampi hon sinsak inla, lampi tang ah hon pii in.

Phatnalate 35:1-8 Tangtawn Toupa aw, kei hon doute nang dou inla, kei hon sualte nang suai in. 2 Lum lian leh lum neu la inla, kisa inla, kei hong huh in. 3 Kei hon deihte douin teipi leh Chiangzum lek in. Ka hinna kiang ah: Na hotdamna kei hi'ng, chi in. 4 Ka hinna laak sawmte zahlakin maizum uh henla, ka siat nading zongte lungkiain lehkik uhen. 5 Tangtawn Toupa' Vansawltak in amaute hawlmang henla, huihmut buhsi bang uhen. 6 Tangtawn Toupa' Vansawltak in amaute delh henla, a lampi uh mialin naal hen. 7 Asan ahang beipi-a lenthang hon siah manun leh, asan ahang beipi-a kei adinga gum a khuak manun, 8 a theihkhoh louh-un siatna in amaute pha guih henla, lenthang hon siah uah awk uh henla, a siat nadingun tua gum ah kia uhen.

Phatnalate 52:5 Ahihanga Pathian in nang a seden dinga hon

lainiam ding ahi aw. Ama'n hon botkhe ding a, na puanbuk apan hon kaikhe ding hi. Ama'n mihing gam apan hon bulkalh ding hi.

Phatnalate 60:12 Pathian tawh panga vualzawhna ngah ding hi ung. Ama'n ka melmate uh sikden ding hi.

Phatnalate 66:3 Pathian kiang ah: Na nasep thilhihte lamdangin mulkimhuai nah e! Na vangletna lian hanga na melmate khempeuh na maia tonkhin uhi.

Phatnalate 68:35 Pathian aw, na mun siangthou ah na mulkimhuai hi. Israel Pathian in a mite kianga vangletna leh thahatna pia hi. Pathian phatin om hen!

Phatnalate 70:1 Pathian aw, kei hon humbit dingin hong pai meng in! Tangtawn Toupa aw, hon huh dingin hong kinawh in!

Phatnalate 71:13 Kei langa pang a, hon ngawhte maizumin mangthang hen. Kei hon hihnat sawmte zahlakna leh daina in khuh hen.

Phatnalate 76:12 Ama'n vaihawm makaite' hangsanna beisak ding hi. Leitung kumpipate adinga amah a lauhuaipa hi ahi.

Phatnalate 118:10 Tangtawn Toupa ka thahatna hi a, ka la zong hi ahi. Amah ka hotdamna hong hita hi.

Phatnalate 118:12 Kei si lou ding ing a, nungta ding ing a, Tangtawn Toupa' thilhih phuang ding hi'ng.

Phatnalate 149:8,9 A kumpipate uh khainiangin khih uh henla, a uliante uh sikkol bunsak uhen. 9 Amaute adinga gawtna kigelhsa tangtun uhen. Hiai a misiangthoute khempeuh' thupina hi ahi. Tangtawn Toupa phat un!

**Pastor T. John Franklin
Church of Salvation, Healing, and Deliverance
COS-HAD.org**